

瑜伽師地論本地分菩薩地真實義品講義五(2011)

一、七種作意

●七種作意列名〔瑜伽卷33〕

何等名為七種作意？謂了相作意、勝解作意、遠離作意、攝樂作意、觀察作意、加行究竟作意、加行究竟果作意。

●七種作意的業用〔舉欲界成就初靜慮為例說明〕〔瑜伽卷33〕

了相作意：於所應斷能正了知；於所應得能正了知；為斷應斷、為得應得、心生希願。

勝解作意：為斷為得，正發加行。

遠離作意：能捨所有上品煩惱。

攝樂作意：能捨所有中品煩惱。

觀察作意：能於所得，離增上慢，安住其心。

加行究竟作意：能捨所有下品煩惱。

加行究竟果作意：能正領受彼諸作意善修習果。

●七種作意配釋世、出世道清淨〔瑜伽卷17〕

當聽聞正法 常思惟修習 先觀見麤靜 次於修一向

捨煩惱麤重 於斷生欣樂 於諸相觀察 得加行究竟

能離欲界欲 及離色界欲 入真諦現觀 能離一切欲

證現法涅槃 及餘依永盡

此中顯示：由了相等七種作意世、出世道皆清淨故，證得有餘及無餘依二涅槃果。增上慧學究竟清淨。

聽聞正法常思惟言：顯示了相作意。

常修習言：顯示勝解作意，由起勝解而修習故。

先觀見麤靜言：顯示遠離作意。

於修習一向等言：顯示攝樂作意。

諸相觀察言：顯示觀察作意。

加行究竟言：顯示加行究竟作意。

能離欲界欲，及離色界欲，入真諦現觀，能離一切欲等言：顯示世間、出世間
加行究竟果作意。